

serisse, e par sia stà uno nominato Diomio, poi dice don Diego spagnol, capetanio di 300 fanti, et à fatto con voluntà et licentia dil ducha Valentino; la qual fo menà a Forlì. *Item*, per una altra letera, scrive zercha li soldi 5 per campo, come è alcuni zentilomeni, quali nomina, hanno possessiom de li, et per tanto vol saper che hordine à tenir, zercha farli pagar. Li fo risposto.

Fo leto per Zuan Piero Stella, secretario, do lettere, era in francese, una dil re di Franza, di 14, da Lonchiers, al so orator qui. Li scrive la gran armata fa, et la sua bona voluntà a le cosse christiane. *Item*, el cardinal di Roan, o vero di Ambosa, *etiam* di 14 li scrive in consonantia.

567 * Fu posto, per tutti i savij d'acordo, una letera a Roma assa' gaiarda, zercha la cruciata; et debba persuader el pontifice a dargela, perchè n'è stà promessa, et siamo im pericolo, et, non lo havendo, siamo per socomber; *tamen* semo per mantener il stato nostro, come sempre fin hora habiamo fato; concludendo, non semo per lassar scuoder nel dominio nostro per niun modo cruciate, per altri cha per nostri, e li danari siano spexi per nui *etc.* Et fo una letera *optime* ditata per Gasparo. Or andò in renga sier Zacaria Dolfim, provedador sora l'arsenal; disse do parole sopra la parte, poi cargò sier Francesco Foscari, cassier, non li vol dar danari per l'arsenal, et sopra di zìo disse assa' longamente. Li rispose sier Francesco Foscari, savio a terra ferma, e cargò essi provedadori, qualli haveano auto assa' danari; lexe li conti, et fo tedioso al conseio. Or sier Anzolo Trivixan andò in renga, et per la Signoria, con li cai di X, vedendo è altercationi, lo fè venir zoso senza parlar. Et andò la parte, et ave *solum* 6 di no *etc.*

Fu posto per tutti una altra letera, *seorsum*, a Roma: l'opinion nostra è, debbi disuader il papa a far legato di l'armada il gran maistro di Rodi, perchè sarà cossa longa *etc.* Ave tutto il conseio.

Noto, in questo zorno capitò in questa terra il bam di Belgrado, ungaro, va a Roma con bella compagnia; et li fo dato le barche, et mandato sier Francesco Querini, sier Bernardo Bondimier, sier Domenego Contarini e sier Pangrati Capello, tutti di pregadi, a visitarlo; et questo non vene a la Signoria, ma fo honorato, e andò via. *Etiam* fono mandati a visitar do oratori di Stefano Carabodam vlacho, uno di qual vien qui, l'altro va a Roma *etc.*

*Copia de una letera dil cardinal de Ystrigonia
responsiva a la Signoria nostra.*

Illustrissime princeps, et excellentissime domine commendatissime.

Novi quam ex corde vestra illustrissima Dominatio ad me nuper scripserit, de promotione mea ad apicem cardinalatus, et quanto gaudio eadem perfusa, tum per litteras tum etiam per oratores suos apud hunc serenissimum regem meum agentes, gratulationis munus exhibuerit. Fuit itaque et est ejusmodi benevolentia, vel dicam potius gratia Dominationis vestrae illustrissimae, mihi gratissima. Fuerunt denique litterae ejusdem non secus jucundae, quae apud me uti pignus veri integritque amoris in dies exstabant. Sed utinam, illustrissime princeps, omnino talem me ingenio et virtute praestare possem, qualem ex benignitate sua, vestra illustrissima Dominatio me ipsum asserit et commendat! Cuperem certe, non modo viribus et facultatibus meis omnibus nunquam vestrae illustrissimae Dominationi deesse, sed pro illa quidem exequi omnia, quae in decus, commodum et ornamentum cederent. Qualescumque tamen in me vires sint, pro comperto habeat vestra illustrissima Dominatio, quod illae ipsae, licet exiguae, ita pro rebus omnibus vestris ac commodis praesto semper aderunt, ut obsequentissimi servitoris officium nunquam denegasse videar, prout latius ejusmodi devotionem et servitutum meam erga Dominationem vestram illustrissimam, et inelytum ejus senatum, vel is dominus Andreas de Franciscis, ejus secretarius, referre poterit. Interim, felix diuque valeat vestra illustris- 568
sima Dominatio, cui me plurimum et ex animo commendo.

Ex Buda, die quinta februarii, MDI.

Subscriptio:

Servitor THOMAS
cardinalis strigoniensis *etc.*

A tergo: Illustrissimo et excellentissimo domino, domino Augustino Barbadico, duci Venetiarum, domino meo.

A dì 25 fevrer. In colegio vene sier Piero Trivixan, venuto conte di Spalato, et referì di quelle cosse di Dalmatia, et *maxime* nel pericolo è a Traù; quel retor è amalato, sta sempre in leto; et molte cosse disse, che Jo non lo alditi. Fo laudato *etc.*

Vene domino Zuan Batista Carazolo, capetanio di le fantarie, molto meninconico et quasi pianzendo,